

# 1 San Pedro

---

## Jesu yequinare macari wahariquinare ojoa ohoahye Pedro

**1** <sup>1</sup>Yuhñ, Pedro, Jesucristo tiqiro buhe duti cūriguta ijiaja. Sa yegñ mūsare yoaro cjē macaripñ waharinare Ponto yehparñ, Galacia yehparñ, Capadocia yehparñ, Asia yehparñ, Bitinia yehparñ ti yehparipñ waharinare mūsare ijiphtinare ojoa ohoaja yuhñ. Mūsare quehnoa duti ojoaja yuhñ. <sup>2</sup>Coã waropñre Cohãcjũ mari Pacu “Ohõ saha yeitja”, tiqiro ni wacũyuriro sahata mūsare beseahye. Tiqiro sa beseri bato tiqiro yaquiro Espiritu Santo mūsare Cohãcjũ yequina ijigũ yeahye. Sa yeahye tiqiro Jesucristore quehnoano yuhñtiana mūsa ijiatire, tiqiro dii cohãno mehna mūsa ñañene cosenohrina mūsa ijiatire. Cohãcjũ cahĩñe mehna tutuaro quehnoa dutiaja mūsare.

### Jesu yequina ijina marine ñhmūsepñ tiqiro neatire cohtena niaja mari

<sup>3-5</sup>Cohãcjũ marine tutuaro paja ihñano, Jesucristo yaria masa mūjari mehna marine pecapñ wahaborinare yuhdũgũ yere tiqiro. Sa marine yuhdũgũ tiqiro yegũ pari turi mari masa bajariro saha Cohãcjũ pohnata wahaja mari. Sa wahana tiqiro mehna mari sa ijiducuatire quehnoano masiaja mari. Sa yero mūsare quehnoano yero taro mūsare cohtero nine. Tiqiro mehna mūsa sa ijiducuatire cūnota tiqiro. Sa yena sa ijiducunata mūsa. Sa yero tiqirore mūsa wacũ tutuagũ, Cohãcjũ tiqiro tutuaye mehna mūsare ihña ihboro, yuhdũgũ yerota. Pihñtiri deco ijigũ mūsare tiqiro yuhdũorire masigũ yerota tiqiro. Marine tiqiro sa paja ihñagũ ihñana, tiqirore Cohãcjũre mari pũhtoro Jesucristo pacũrore ño peouhna.

<sup>6</sup>Sa tiqiro yuhdũoana ijina, mehenogã ahri yehparñ mūsa ijiro puno peye tahari mūsa ñano yuhdũepenata bucuere mūsa. <sup>7</sup>Sa ñano yuhdũepenata Cohãcjũre cohãedana mūsa tiqirore wacũ tutuaye potota ti ijigũ tire masigũ yena niaga mūsa. Uru ahri yehpa cjē pũrita pihñtia waharota. Uru yuhdũoro mūsa wacũ tutuaye pehe ihyo waro ijierare. Sa ye masa uru ti ijiyere masi duaye doha tuhu ihñare. Urure tiquina doha tuhu ihñano saha mūsa wacũ tutuayere Cohãcjũ ihña duaro “Ñano yuhdũahro”, niboaga mūsare. Mūsa sa ñano yuhdũari bato potota tiqirore mūsa quehnoano wacũ tutuaducugũ ihñano, Cristo ño peoye mehna mūsare “Quehnoano yeri mūsa”, ninota. Ahri yehparñ tojoa taro sa ninota.

<sup>8</sup>Tiquirore Jesucristore mûsa ihñedapenata cahñe mûsa. Sa yena yojopûre tiquirore ihñedapenata tiquirore wacû tutuare. Sa wacû tutuana, tutuaro bucuere mûsa. Cohâcǵũ tiquiro sa mûsare bucuegũ yegũ tutuaro bucuere mûsa. Ti bucueye quehnoa yuhduare. <sup>9</sup>Sa yero Cohâcǵũ mûsare pecapû wahaborinare yuhdugũ yerota, mûsa tiquirore quehnoano wacû tutuagũ.

<sup>10</sup>Cohâcǵũ mûsare tiquiro sa yuhduoatire panopû cǵena Cohâcǵũ yere yahu mûhtariquina tire masi duaye, sinitue tiahye. <sup>11</sup>Cristo tiquiro ñano yuhduatire, tiquiro masa mûjatire, ijiphtiyequina pûhtoro tiquiro ijiatire tiquiro masa bajuato panopûta tire yahuyu tuhasae tiahye tiquina. Jesucristo yaquiro Espiritu Santo tiquiro yedohoye mehna sa yahuyuahye tiquina. Sa ye tiquina Cohâcǵũ yere yahu mûhtariquina tiquina yahurire quehnoano masi duaye sinitue tiahye tiquina Cohâcǵũre. “Cristo wihirota”, Espiritu Santo tiquiro nidire “¿Noa boro pehe ijjirotari?” ni sinitue tiahye tiquina. Tiquiro wihiati pje gũhure sinitue tiahye. <sup>12</sup>Tiquina yahuyuri tiquinare masi pehogũ yeati ijierahye. Maripûre masi pehogũ yeatire sa ni yahue tiahye. Tire tiquinare masigũ yeahye Cohâcǵũ. Ûhmûsepe ahtariquiro Espiritu Santo yedohoye mehna yojopûre quehnoañe buheyere mûsare usâ yahuaaja. Panopû mûsa masiatire tiquina yahuyuri tita ijire yojopûre mûsare usâ yahuye. Ti buheyere angele gũhu tutuaro masi duae tiahye.

### Cohâcǵũ marine ñañe mariena iji dutire

<sup>13</sup>Sa yena quehnoano wacû masitjiãna ijyuyua mûsa. Sa yena tuho masina ijyia. Cristo tiquiro tojoa tagũ Cohâcǵũ mûsare quehnoano tiquiro yeatire wacũña. Sa yena tire quehnoano cohteya. <sup>14</sup>Panopû Cohâcǵũre masiedarîna ñañene tutuaro cahmena ijimedi mûsa. Yojopûre tire yeracãhña. Sa yena tiquina pohne tiquina pacusmûare quehnoano tiquina yuh tiro saha yeya mûsa. <sup>15</sup>Sa yena tiquiro yequina ijiatire mûsare beseriquiro ñañe marieniquiro tiquiro ijiro sahata mûsa gũhu ñañe mariedacãhña. Sa yena quehnoañe dihitare yeya. <sup>16</sup>Sata ni ojoahye Cohâcǵũ yere tiquina ojoari pûpû: “Ñañe mariegũ ijiaja yuhũ. Yuhũ sa ijigũ mûsa gũhu ñañe mariena ijyia”, ni, ojoahye.

<sup>17</sup>Tiquiro Cohâcǵũ ijiphtiyequinare tiquina yerire ihñano ihcãno saha besere tiquinare. Ñañequinare, quehnoañequinare besere. Tiquiro sa yeriquiro ijigũ tiquirore “Yuhũ Pacû” ni duana quehnoano yeya. Ahri yehparû mûsa ijiro puno cua pesaro mehna quehnoano ijiducuya mûsa. <sup>18</sup>Mûsa ñecusmûa mûna panopû cǵena tiquina yeri ne dũhseati ijierahye. Mûsa gũhu tiquina yeriro saha yena mûsa ijiepegũta Cristo mûsare tiquiro yequina ijigũ yeri. Wapamoñequinare tiquina wapamorire tiquina boriro sahata tiquiro pehe mûsa ñañe yerire potota bo cãhri. Tire quehnoano masine mûsa. Mûsare sa yero plata mehna, uru mehna wapa ye wioerare tiquiro mûsare sa yero. Plata, uru butia waharota. <sup>19</sup>Tiquiro pehe oveja quehnoariquiro, wete marieniquiro yero sahata ijiriquiro Cristo tiquiro dii mehna tiquiro yariari mehna mûsa ñañe yerire cohã, mûsare yuhduorota. Tiquiro dii mehna marine sa yero quehnoano waro yero nidi. <sup>20</sup>Panopûre ahri yehpare tiquiro bajumehneato pano Cristo

tiquiro sa wawatire masi tuhasahye mari Pacu. Yojoꝛu pehere pihtiatu deco panogã ijigũ, Cristore quehnoano masigũ yeri mari Pacu musare. <sup>21</sup>Cristo yedohoro mehna mari Pacure wacũ tutuare musa. Mari Pacu pehe Cristore yariariquirore masori jiri. Sa yero tiquirore uhmuseꝛu cũno ijipihtiyequinare tiquirore ño peogũ yeahye mari Pacu. Tiquiro sa yegũ mari Pacure wacũ tutuare musa. Sa yena musare tiquiro yuhduoatire quehnoano masine musa.

<sup>22</sup>Quehnoañe buheyere tiquiro nidiro sahata yena ijina, musa ñañe yerire cohãnohrina ijire musa. Sa yena potota mari acayere Jesu yequinare cahĩ masine musa. Sa yena musa mehna cjẽnare musa jeripohnari mehna tutuaro cahĩna. <sup>23</sup>Sa yena coã bajuayequina yero saha ijina Cohãcjũ pohna wahari musa. Mari pacusũmua mehna masa bajuarina ijina came yarianata. Ti yero saha ijierare Cohãcjũ pohna musa wahagũ. Cohãcjũ buheye mehna tiquiro catigũ yeye buheye mehna tiquiro pohna wahari musa. Ti buheye mehna Cohãcjũ mehna sa ijiducunata mari. <sup>24</sup>Ohõ saha nine Cohãcjũ yere tiquina ojoari pũꝛu:

Ijipihtiyequina masa taa yero saha ijire. Sa ye quehnoañe tiquina cõoye, taa cohoꝛi yero saha ijire. Taa ñaia wahare. Cohoꝛi gũhu buru dijia, ahbaa wahare. Ti yero saha yariare masa gũhu. <sup>25</sup>Mari puhtoro ye buheye pehe ne pihtisi. Tiquiro nidiro sahata sa wahaꝛota, ni ojoahye.

Ti buheye musare tiquina yahuri quehnoañe buheyeta ijire.

**2** <sup>1</sup>Sa yena ijipihtiye ñañe yeyere, ni mehoñene, masa ihõono dihita quehnoano iji mehoñene, apee borore tiquina cõogũ cooyere, apequinare ñano quiti yeyere tire duhuya musa. <sup>2</sup>Sa yena coã masa bajuayequina epẽcore tiquina cahmeno saha musa gũhu quehnoañe buheyere Cohãcjũ yere tutuaro cahme nemoña. Sa cahme nemoña musa tiquirore musa wacũ tutua nemoatire, tiquiro yuhduonohatina musa ijiatire. <sup>3</sup>Sata ijinata musa. Mari puhtoro musare tiquiro quehnoano yeyere mehenogã masi tuhasare musa.

### Cristo catigũ yeriquiro utã yero saha ijire

<sup>4</sup>Cristo catigũ yeriquiro utã yero saha ijire. Wuhu dahreyequina ihcãria utãre tiquina cahmedaro saha masa tiquirore cahmedare. Cohãcjũ pehe tiquirore ihñagũ tiquiro beseriquiro quehnoa yuhduariquiro ijire. Tiquiro sa ijiriquiro ijigũ tiquirore wacũ tutuaya. <sup>5</sup>Sa yena musa gũhu wuhu cjẽ utã paca yero saha ijire. Musa sa ijina Cohãcjũ ya wuhu cjẽ utãre ihcãno saha tiquina cũriro saha musa tiquiro yequina gũhu ihcãno saha quehnoano ijinata. Sa yena Cohãcjũ ya wuhu cjãna quehnoana pahia ijinata musa. Sa yena Jesucristo yedohoye mehna Cohãcjũ yere quehnoano yenata musa. Musa sa yegũ ihña bucueroꝛta Cohãcjũ. <sup>6</sup>Ohõ saha nine Cohãcjũ yere tiquina ojoari pũꝛu:

Utã wuhũꝛu tiquina cũ muhtaria mariedagũ wuhũre ye duca masiedare. Sata Cristo marieno yeequina waha masiedare masa. Sa yero tiquiro ihyo ijiriquiro ijierare. Sa yegũ tiquirore Jerusalẽꝛu yojoꝛũre cũgu niaja. Tiquiro yuhu beseriquiro quehnoa yuhduariquiro ijire. Sa ye tiquirore wacũ tutuayequina bucueta, ni ojoahye.

<sup>7</sup>Tiquirore wacū tutuayequina pehe quehnoa yūhduaro wahaeta. Sa yero ihyo ijiriquiro ijierare tiquiro. Tiquirore wacū tutueyequina pehe sijoro saha wahaeta. Tiquinare ohō saha nine Cohācjū yere tiquina ojoari pūpū.

Ahriquiro Cristo utā yero saha ijire. Utāre wūhū dahreyequina tiquina bese cohāno saha masa tiquirore cohāeta. Tiquina sa yepegūta yojopūre wūhū dahreyequina wūhūre yeye, tiquina cū mūhtaria utāre tiquina cūno saha Cohācjū tiquirore pūhtoro cūri, ni, ojoahye.

<sup>8</sup>Ahri gūhūre nine Cohācjū yere tiquina ojoari pūpū:

Omariquiro utāre doque wahā saro tiquiro esaborirore ne eserare.

Sata utā yero saha ijiriquirore Cristore cahmedana, tiquirore yūhdūdūcana, Cohācjū cahapū esasi mari, ni ojoahye panopū.

Tiquina Cohācjū ye buheyere yūhtierare. Sa yeye panopū tiquiro ni ojoariro sahata Cristore cahmedare. Cohācjū panopū “Sa waharota”, tiquiro nidiro sahata Cristore cahmedare tiquina. Sa yeatiquinare cūahye Cohācjū tiquinare.

### Ohō saha ijire Cohācjū yequina

<sup>9</sup>Mūsa pehe Cohācjū beserina ijire. Tiquiro mari pūhtoro tiquiro yequina pahia, tiquiro yere ye basana ijire mūsa. Sa yena tiquiro ya curua cjāna ñañe mariedana, Cohācjū yequinata ijire mūsa. Sata ijire mūsa. Cohācjū tiquiro quehnoa yūhduayerē tiquiro yerire apequinare yahuatina ijire mūsa. Mū sare beseahye tiquiro mū sare ñañene ye dutieraro. Sa besero quehnoañe pehere yeana jare cūri mū sare. <sup>10</sup>Panopūre dūhseatina ijierari jiri mūsa. Yojopū pūritare Cohācjū yequina ijire mūsa. Panopūre mū sare paja ihñariquiro mū sare mariedahye. Yojopū pūritare mū sare Cohācjū paja ihñari.

### Cohācjū yere yena ijiya mūsa

<sup>11</sup>Yūhū cahīna, ahri yehpapū iji dojoatina ijierare mūsa. Cohācjū yequina ijire mūsa. Mūsa sa ijina ijigū ahrire tutuaro yahuaja mū sare: Mūsa ñañe tutuaro cahmeñene yeracāhña. Ti ñañene tutuaro cahmena, ñana wahana niaga mūsa. <sup>12</sup>Cohācjūre cahmeeñequina watoa ijina quehnoano yena ijiya mūsa, mū sare “Yahusāri”, nina. Mūsa sa yegū tiquina yojopūre mū sare ñano yahusā duepeta, mūsa quehnoano yeyere masieta tiquina. Sa masiñe, tiquina Cohācjūre “Quehnoagu, tutuagu ijire”, nieta. Sata nieta Cristo ahri yehpapū tiquiro tojoa tagū.

<sup>13</sup>Mari pūhtoro yūhti duana ahri yehpa cjēna pūhto gūhūre yūhtiya mūsa. Roma cjūnore mūsa ijipihtina pūhtoro tiquiro gūhūre yūhtiya.

<sup>14</sup>Pūhtoare yūhdūdūcayequinare buhiri dahre dutiro, ohori pūhtoro tiquirore yedohoyequinare. Sa yero quehnoano yeyequinare “Quehnoano yeri mūsa”, ni dutiro ohori tiquiro tiquinare. Tiquiro sa ohogū, tiquinare yūhtiya mūsa. <sup>15</sup>Mūsa quehnoano yegū ihñañe tūho masieñequina tiquina esa tuharo mū sare quti dahre duepeta quti dahre masiedare. Mūsa sa yegū cahmene Cohācjū. Sa yena mūsa pūhtoare yūhtiya.

<sup>16</sup>Cohãcjũ mûsa pũhoro ijire. Apequina cahacjãna ijierare mûsa. Sa ijiepenata “Ûsãre dutiriquiro mariedare. Sa yena ñañene yenatja”, ni tuhotuercãhña, “Ñañene yeari”, nina. Cohãcjũ cahacjãna ijire mûsa. Sa yena tiquirore quehnoano yũhtina ijiya mûsa. <sup>17</sup>Ijipihtiequina masare ño peoya. Mari acaye Jesu yequinare cahña. Cohãcjũre ño peoye mehna ihñaña. Ahri yehpa cjẽna pũhoro gãhure ño peoya.

**Cristo ñano yũhdũro tiquiro ihcãno sahariro  
sahata ihcãno sahaya mûsa gãhu**

<sup>18</sup>Cahacjãna, mûsa cua pesaro mehna mûsa pũhtoare yũhtiya. Quehnoañequina, mûsare quehnoano yeyequina dihitare yũhtina ijieracãhña. Mûsa mehna usuayequina gãhure yũhtiya mûsa. <sup>19</sup>Mûsa ñano yerapegũta mûsare tiquina buhiri dahregũ “Cohãcjũ cahmeno sahata ye duaja”, mûsa ni tuhotugũ tire mûsa ihcãno saha gã “Quehnoano yeri mûsa”, ninota Cohãcjũ mûsare. <sup>20</sup>Mûsa ñano yeri buhiri tiquina mûsare buhiri dahregũ tire mûsa ihcãno saha gã ti dahseati ijierare. Sa yena mûsa quehnoano mûsa yeri buhirire tiquina buhiri dahregũ tire mûsa quehnoano mehna ihcãno saha gã Cohãcjũ “Quehnoano yeri mûsa”, ninota mûsare.

<sup>21</sup>Sa ñano yũhdũanajare mûsare tiquiro yequina iji dutiri jiri Cohãcjũ. Cristo mûsa ye ijiatire ñano yũhdũri tiquirore mûsa ihña cũatire. <sup>22</sup>Tiquiro ne ñano yerari. Sa yero ne ni mehoedari. <sup>23</sup>Tiquirore tiquina tuhtigũ, tiquiro pehe tiquinare tuhti cahmedari. Tiquirore tiquina ñano yepegũta “Quẽitja mûsare”, ne niedari. Tiquina sa yepegũta tiquinare Cohãcjũ tiquiro buhiri dahreatire potota tiquiro yeatire masino, “Yũhu Pacapũ tiquinare buhiri dahrerota”, ni tuhoturi. <sup>24</sup>Tiquiro basi curusapũ mari ñañe buhirire yariari. Sa waha yariari pari turi mari ñañene yeratire, Cohãcjũ cahmeñe pehere mari yeatire. Tiquiro ñano cami tire, marine pecapũ wahaborinare yũhdũoro taro. <sup>25</sup>Oveja wisiaye tiquina butiro saha mari gãhu pecapũ butiatina ijimi. Yojoꝑũ pehere Cristore, ovejare ihña ihboriquiro yero saha ijiriquirore, marine ihña ihboriquirore wacũ tutuaja mari. Sa wacũ tutuana, tiquiro yequina wahaũ mari.

**Omoca dũhteriquinare ohõ saha yero cahmene tiquinare**

**3** <sup>1</sup>Sa yegũ cahacjẽnare yũhu dutiro saha mûsa namosãnumiare dutiitja. Mûsa manusũmũare yũhdũdũcaeracãhña tiquina Cohãcjũ buheyere tiquina cahmeatire. Ihquẽquina tiquina Cohãcjũ buheyere cahmeeñequina ijiye, tiquinare mûsa yũhdũdũcaeragũ ihñañe Cohãcjũ ye buheyere cahmeboaga tiquina. Ti buheyere mûsa yahuerapegũta tiquiro yere cahmeboaga tiquina. <sup>2</sup>Sata cahmeboaga tiquinare mûsa quehnoano yeyere, mûsa ño peoye gãhure ihñañe. <sup>3</sup>Mûsa numia, cariboyequina numia yero saha yeracãhña. Sa yena mûsa poarire wũhapo sepahtana numia, uru darire bũsana numia, wapa bũjũye suhtire sañana numia ijieracãhña, mũmũ mûsare “Ûe pjegũ yeari”, nina. Mûsa pagũre masa tiquina ñe pjegũ yeracãhña. <sup>4</sup>Sa yena mûsa cua pesaro mehna

apequinare tutuaro cahĩne mehna yena, cua pesaro mehna yahuna, ti pehere ihña bucuẽgũ yeya. Ti pehere m̄sa yegũ ihyo waro ijierare, Cohãcjũ ihñagũ. <sup>5</sup>Sata yee tiahye panopũ cjẽna numia Cohãcjũ yequina numia. Tiquina numia Cohãcjũre wacũ tutuaye numia ijiye, tiquina manusumũare yũhdũcaera tiahye. <sup>6</sup>Sata Sara ticoro manũno Abrahãre quehnoano mehna yũhtie tiahye. Sa yero tiquirore “Pũhto”, ni pisuahye. Sa yena m̄sa quehnoano yena numia ijina, cuero marieno ijina numia ijina, Sara yero saha ijire m̄sa gũhu.

<sup>7</sup>Sata m̄sa um̄a gũhu m̄sa namosãnumiare quehnoano yeya. Tiquina numia mari um̄a yero saha tutuayequina numia ijierare. Sa yena ño peoye mehna quehnoano yeya tiquina numiare. Cohãcjũ ijipihitiye decori tiquiro mehna mari ijiatire tiquiro ohoriro sahata tiquina numia gũhure ohorota tiquiro. Tiquina sa ijiyequina ijigũ tiquina numiare quehnoano yeya. Cohãcjũre m̄sa siniñene m̄sa dojomehnedatire tiquina numiare quehnoano yeya.

### Quehnoano tiquina yepegũta apequina tiquinare ñano yeyere yahuahye Pedro

<sup>8</sup>Ahri mehna m̄sare yahu bato tiitja: M̄sa ijipihitiya ihcãno saha quehnoano mehna ijiya. Sa yena m̄sa mehna cjẽnare quehnoano paja ihñaña. M̄sa acaye Jesu yequinare p̄a peheri cahme cahña. Sa yena quehnoano yeya tiquinare. Sa ye “Thyo ijina ijiaja”, ni tũhotuya. <sup>9</sup>Apequina m̄sare tiquina ñano yegũ tiquinare ñano ye cahmedacãhña. M̄sare tiquina tuhtigũ tiquinare tuhti cahmedacãhña. M̄sare tiquina sa yepegũta quehnoano yeya tiquinare. Sa yena “Quehnoano ijiya”, niña tiquinare. Tire yeatinare tiquiro yequinare cũri m̄sare Cohãcjũ pehe m̄sare quehnoano yero taro.

<sup>10</sup>Sata nine Cohãcjũ yere tiquina ojoari pũpũ:

M̄sa quehnoano bucuẽye mehna iji duana ne ñano ni yahuducueracãhña.

<sup>11</sup>Ñañe yeyere duhu cãhña. Quehnoañe pehere yeya. Cahme m̄sa basi ihña tuhtiro marieno ijiya. Tire tutuaro yeya. <sup>12</sup>Quehnoañequinare mari pũhtoro sa ihña ihboducuro nine. Sa yero tiquirore tiquina siniñene sa tũhoducuro nine. Ñano yeyequina pehere tiquiro ihña tuhtire, ni ojoahye.

<sup>13</sup>Quehnoañene m̄sa tutuaro ye duagũ apequina pehe m̄sare ñano yũhdũgũ ye duaye, ye masisi tiquina. <sup>14</sup>Quehnoano m̄sa yepegũta m̄sare tiquina ñano yũhdũgũ yegũ ihñano Cohãcjũ m̄sare quehnoano yerota. Tiquiro sa yegũ m̄sare ñano ye duayequinare cueracãhña. Sa yena bujua witiẽracãhña. <sup>15</sup>M̄sa Cristore “Usã pũhtoro ijire”, ni tũhotuna, ño peoya tiquirore. Sa yena Cristore m̄sa wacũ tutuayere, Cohãcjũ mehna m̄sa ijiatire apequina sinituboaga. Tiquina sa sinituato pano tiquinare m̄sa yũhtiatire quehnoano masiyuya. Sa yũhtina cahño mehna, quehnoano ño peoye mehna yahuya tiquinare. <sup>16</sup>Quehnoana ijiya. Sa yena “Ñañene yeaja”, ni tũhotusi m̄sa. Sa ye Cristo yere quehnoano yena m̄sa ijigũ apequina m̄sare ñano quiti yeye, buoro wahaeta tiquina. <sup>17</sup>Ñañene m̄sa yeri buhiri m̄sa ñano yũhdũgũ quehnoaedare. Sa yero Cohãcjũ cahmegũ quehnoañene m̄sa yeri buhiri m̄sa ñano yũhdũgũ quehnoañene ti pũrita.

<sup>18</sup>Sata ñano yuhduri Cristo. Ihcã tahata ijipihiteyiquina tiquina ñañe buhirire yariari tiquiro. Quehnoariquiro ijiri. Sa yero mari ñañe buhiri ñano yuhduri tiquiro. Ñano yuhduri tiquiro marine Cohãcjũ yequina wahagũ yero taro. Tiquiro pagu yariaa wahari. Yariari bato tiquiro masari jiri. <sup>19</sup>Sa masariquiro ijiro tiquina buhiri dahreatire cohteyequina muna yariariquina muna jeripohnarine buheahye tiquiro. <sup>20</sup>Sa cohteyequina panopũ Cohãcjũre yuhtierariquina muna ijiahye. Ti pjerũre Noé tiquiro ijiri pjerũre, pajiria yucusare dohoro niahye. Tiare tiquiro dohori watoa Cohãcjũre yuhtierariquina muna tiquina yuhtigũ cahmeno, tiquina yuhtiatire yoari pje cohtemahye Cohãcjũ. Sa ye meheñequinagã ocho masa dia minidi pjere yuhduahye. <sup>21</sup>Minigũ tiquina yuhduriro saha wame yeye mehna yuhdure masa. Mari pagũre mari wete tu cosero saha ijierare wame yeye. Sijoro saha ijire wame yeye. Ñañe mariena mari ijiatire Cohãcjũre mari siniñe ijire ahri wame yeye. Sa yena Jesucristo tiquiro masa mujari mehna yuhduaja mari. <sup>22</sup>Tiquiro Jesucristo uhmũsepũ wahahye poto pehepũ dujiro taro, Cohãcjũ mehna dutiro taro. Sa yero tiquiro angele bui, uhmũse cjẽna puhtoa bui, dutiyequina bui tiquina puhtoro ijire.

#### Cristo yequina ijina quehnoañe pehere comesarina ijinata

**4** <sup>1</sup>Mari ñano yuhduna ñañe yeyere duhu cjã mari. Sa yena Cristo ñano yuhduro tiquiro cuerariro sahata tiquiro usuerariro sahata musa gũhũ tiquiro yero sahata yeya. <sup>2</sup>Sa yeya musa ñañene musa ñe pjerire musa duhuro quehnoano, Cohãcjũ cahmeñe pehere musa yero quehnoano.

<sup>3</sup>Panopũ Cohãcjũre cahmeeñequina ñañene tiquina ñe pjerire tiquina yeriro sahata yeducumahye musa gũhũ. Bue tiro marieno ñano yena, ñañene tutuaro musa ñe pjerire yena, quehena, queheye bese decorire yena, “Cohãcjũ ijire”, musa niñe queoyere ño peona ti pehere yee timahye musa. Ti queoyere ihña yabire Cohãcjũ. Sa yena to punota ye bato tiya. <sup>4</sup>Sa ye ti ña yuhduayere yeyequina mehna musa ijigũ yojopũre musa tire yeragũ ihñañe tiquina pehe ihña maria wahari. Sa ye tiquina musare quti dojomehnedi. <sup>5</sup>Tiquina sa yegũ ihñano tiquina ñañe yerire Cohãcjũ pehe sinituro, yahu yuhdu dutirota tiquinare. Tiquiro catiyequinare, yariariquina gũhũre beseatiquiro buhiri dahreatiquiro ijire. <sup>6</sup>Tiquiro sa beseatiquiro ijigũ Jesu yequina pehe yojopũre yariariquina muna quehnoañe buheyere yahuri tiquina yariato pano. Sa ni yahuri tiquina pagũre Cohãcjũ tiquiro yaria dutiepegũta. Sa yahuri tiquinare Cohãcjũ ijipihitey decori tiquiro ijiro saha tiquiro mehna tiquina ijiducuatire.

<sup>7</sup>Pihitiati deco mehenogã dũhsare. Sa yena quehnoano wacũ masina ijiya, yojopũre Cohãcjũ mehna musa quehnoano yahuducuatire. <sup>8</sup>Apequinare cahña, peye tahari tiquina ñañene tiquina yepegũta sa ihña cjã mari. Sa yena musa mehna cjẽnare sa cahĩducuya. Apeye dutiye yuhduoro ahrireta yeya. <sup>9</sup>Musa mehna cjẽnare unureno marieno musa ye wuhũsepũ saã ta dutiya. <sup>10</sup>Cohãcjũ musare ijipihitinare musa yeatire cũri. Tiquiro sa cũgũ, musa ye masino sahata musa mehna cjẽnare tire quehnoano yeya. Cohãcjũ musape



cūri mūsa yeatire. Tiquiro cūriro sahata apequinare quehnoano yedohona, Cohācjū cūriro saha quehnoano yena niaga mūsa. <sup>11</sup>Mūsa quehnoano yahuna, Cohācjū tiquiro yahuboriro saha quehnoano yahuya mūsa gūhū. Masare yedohona Cohācjū tiquiro cūri tutuaye mehna apequinare yedohoya. Ti ijipihitire yena Cohācjūre masa tiquina ño peotire sa yeducuya. Jesucristo pehe tire mūsa yegū yedohorota. Tiquirore ijipihitiye decori ño peo, “Tutuagu ijire”, nino cahmene ijipihitiyequinare. Sata niahdo.

### Jesu yequina tiquina ijiri buhiri tiquina ñano yūhdūyere yahuahye Pedro

<sup>12</sup>Yūhū cahīna, yojopūre ña yūhdūaro yūhdūna, “Yohou, sijoro saha ijiro wahaga yūhūre”, ni, wacūedacāhña. <sup>13</sup>Cristo tiquiro ñano yūhdūriro saha mūsa gūhū tiquiro yero saha sa wahana, bucueya mūsa. Sa bucuenta Cristo asi siteye mehna tiquiro tojoa tagū mūsa quehnoano bucuenata. <sup>14</sup>Cristo yequina mūsa ijiri buhiri apequina mūsa tiquina tuhtigū Cohācjū yaquiro Espīritu Santo asi siteriquiro mūsa mehna ijiro nine. Sa yena bucueya mūsa. <sup>15</sup>Sa yena masare wejēdacāhña mūsa. Apee borore yaqueracāhña. Ñano yeracāhña. Sa yena apequina tiquina yerire ihñana tiquinare sijoro saha ni dojomehnedacāhña. Ti buhiri mūsa ñano yūhdūgū ñarīne. <sup>16</sup>Sa yena Cristo yequina mūsa ijiri buhiri ñano yūhdūna, bue tieracāhña. Ñano yūhdūepenata Cristo yequina mūsa ijire mehna bucuenta, Cohācjūre “Quehnoare”, ni, ño peoya mūsa.

<sup>17</sup>Cohācjū tiquiro yequina yerire ihñano tiquiro beseati pje ijiro nine yojopūre. Ijipihitina mari tiquiro yequina mari yerire ihñano bese mūhtanota, “Ahri ñañe ijire. Ahri quehnoañe ijire”, nino. ¿Sa bese mūhtano dūhse yerotari tiquiro yequina ijieyequina pehere? Tiquirore yūhtieyequina pehere tutuaro buhiri dahrerota. <sup>18</sup>Sa ye quehnoañequina yūhdūeta. Tiquina sa yūhdūati mijo cjūre. Ti sa mijo cjūgū Cohācjūre cahmeeñequina, ñañequina pehe ne yūhdūsi. Basioerare tiquinare. <sup>19</sup>Sa yena Cohācjū cahmegū mūsa ñano yūhdūna, quehnoañene mūsa yerire duhueracāhña. Sa yena mūsa bajumehnediquirore, mūsa ne duhueriquirore tiquirore wacū tutuaya mūsa.

### Jesu yequina tiquina yeatire yahuahye Pedro

**5** <sup>1</sup>Yojopūre Jesu yequina pūhtoare yahutja. Yūhū Jesu yequina pūhto ijiaja. Mūsa gūhū tiquina pūhtoata ijire. Mūsa yūhū yero saha pūhtoa ijinare ahrire yahugū tagū niaja yūhū. Cristo tiquiro ñano yūhdūriro ihñarigū ijigū, ūhmūsepū Cristo mehna yūhdūacjū ijigū ahrire mūsa yahutja: <sup>2</sup>Cohācjū yequina oveja yero saha ijire. Mūsa pehe ovejare ihña ihboyequina yero saha ijire. Tiquinare Cohācjū mūsa tiquiro cūriquinare tiquiro yequinare quehnoano ihña ihboya. Sa yena Cohācjū tiquiro cahmediro sahata quehnoano jeripohna tiye mehna tiquinare ihña ihboya. Sa yena tiquinare ihña ihbona, “Usā ihña ihbori wapa niñerure wapatanata”, niedacāhña mūsa. Cohācjū cahmeno sahata yeducuna ijia. <sup>3</sup>Sa ihña ihbona tiquinare ñano dutiperacāhña. Sa yena quehnoano yeya mūsa Jesu yequina mūsa tiquina ihña cūatore. <sup>4</sup>Mūsa sa



yena Cristo ijiphtinare marine ihña ihboriquiro tojoa tagũ tiquiro mäsare quehnoañene ohoatire mäsa yuhduatire cuonata. Ti mäsa cuoati ne pihtisi.

<sup>5</sup>Tiquinare yuhũ dutiriro sahata mäsa wahma pja gũhu mäsa puhtoare yuhtiya. Sa yena mäsa mehna cjênare ijiphtiyequinare ño peoya.

“Masi yuhduducaja”, niñequina pehere Cohãcjũ ihña tuhtire.

Apequinare ño peoyequina pehere “Ihyo ijina ijaja”, ni tuhotuyequina pehere quehnoano yere tiquiro.

<sup>6</sup>Sa yena Cohãcjũ tutuariquiro mäsare tiquiro dutigũ tiquirore ño peoya. Mäsa sa yegũ tiquiro queori pje ijigũ mäsare apequina ño peota tiquiro dutiro mehna. <sup>7</sup>Tiquiro mäsare pajiro tuhotu ihña ihbore. Sa yena tiquirore wacũ tutuana, ne pajiro tuhotueracãhña mäsa pehe.

<sup>8</sup>Sa yena wacũ masi ijiya. Mäsare ihña tuhtiriquiro watino yairo usuariquiro tiquiro maca ihya duaro saha mäsare ñano yuhdugũ ye duare. Sa yero mäsare ñano ye dutire. <sup>9</sup>Ijiphtiropũ ahri yehpapũre apequina Jesu yequinare ñano yuhdugũ yere watino. Tire masina, tiquirore yuhtieracãhña. Sa yena Cristore tutuaro wacũ tutuaya mäsa. <sup>10</sup>Sa yena mehenogã mäsa ñano yuhdũri bato Cohãcjũ mäsare yedohorota. Mäsare quehnoana ijigũ yerota. Sa yero tiquirore mäsa wacũ tutua nemogũ, tiquirore mäsa ne duhueragũ yerota mäsare. Tiquiro ijiphtiyede decori uhmusepũ Cristo mehna mäsa ijiatire mäsare cüriquiro ijire. Tiquiro Cohãcjũ ijire ijiphtiyequinare paja ihñariquiro. <sup>11</sup>“Ijiphtiyede decori tiquiro tutuariquiro ijire”, ni ño peuhna tiquirore. Sata yeihna.

### Quehnoa duti bato tiahye Pedro

<sup>12</sup>Ahri pũ meheni pũgãre mäsare yuhũ oho duagũ Silvano pehe yuhũre ojoa basari. Tiquiro Jesu yaquiro yuhũ acayũro Jesure duhueriquiro ijire, yuhũ tuhotugũ. Mäsare quehnoano yahu duaja. Sa yegũ “Ahri buheye potota Cohãcjũ marine tiquiro cahĩñene yahuri buheye ijire”, ni yahugũ mäsare ahri pũre ojoaja. Sa yena ahri buheyere ne duhueracãhña mäsa.

<sup>13</sup>Mäsare tiquiro yequina ijiatinare tiquiro beseriro sahata Jesu yequina Babilonia cjëna gũhũre beseahye Cohãcjũ. Tiquina pehe mäsare quehnoa dutire. Marco gũhu yuhũ macu yero saha ijiriquiro mäsare quehnoa dutire. <sup>14</sup>Mäsa mehna cjênare quehnoano mehna piti caya.

Ijiphtina Jesucristo yequinare quehnoa dutiaja mäsare.